

БЎЛАЖАК ЎҚИТУВЧИЛАРНИ КАСБИЙ ЖИҲАТДАН ШАКЛЛАНТИРИШНИНГ АСОСИЙ БОСҚИЧЛАРИ

Халиков Аъзам Абдусаломович

Низомий номидаги Тошкент давлат педагогикауниверситети профессори, педагогика
фанлари доктори

<https://doi.org/10.5281/zenodo.7454767>

Аннотация. Бугунги кунда бўлажак ўқитувчиларнинг педагогик маҳоратини ривожлантириб боришга мустаҳкам замин яратилиши керак. Олий педагогик таълим муассасаларида уибу муаммоларнинг ечимини топишда “Педагогик маҳорат” фанини чуқур ўрганиши муҳим аҳамият касб этади. Бугунги кунда у ёшлиарни гоявий-сиёсий жиҳатдан чиниқтириб табиат, жасамият, ижтимоий ҳаёт, тафаккур тараққиёти қонуниятларини ўргатади, ёшлиарни меҳнат фаолиятига тайёрлаб, касб-хунар сирларини пухта эгаллашларида кўмаклашиди ва жасамият учун муҳим бўлган ижтимоий-иқтисодий вазиятларни ҳал этади.

Калим сўзлар: педагогик маҳорат, муҳим, табиат, жасамият, ижтимоий ҳаёт, тафаккур тараққиёти.

ОСНОВНЫЕ ЭТАПЫ ПРОФЕССИОНАЛЬНОГО СТАНОВЛЕНИЯ БУДУЩИХ УЧИТЕЛЕЙ

Аннотация. Сегодня необходимо создать прочную основу для развития педагогического мастерства будущих учителей. Глубокое изучение науки «Педагогическое мастерство» имеет большое значение в поиске решения этих проблем в высших педагогических учебных заведениях. Сегодня он воспитывает молодежь идеально и политически, обучает ее законам природы, общества, общественной жизни, развитию мышления, готовит молодежь к труду, помогает овладеть профессиональными секретами, решает важные для общества социальные и экономические ситуации.

Ключевые слова: педагогическое мастерство, среда, природа, общество, общественная жизнь, развитие мышления.

MAIN STAGES OF PROFESSIONAL FORMATION OF FUTURE TEACHERS

Abstract. Today it is necessary to create a solid foundation for the development of pedagogical skills of future teachers. A deep study of the science of "Pedagogical Excellence" is of great importance in finding solutions to these problems in higher pedagogical educational institutions. Today, he educates young people ideologically and politically, teaches them the laws of nature, society, social life, the development of thinking, prepares young people for work, helps them master professional secrets, and solves social and economic situations that are important for society.

Keywords: pedagogical skills, environment, nature, society, social life, development of thinking.

Ўзбекистон Республикаси Президентининг 2022 йил 28 январдаги ПФ-60 сон “2022-2026 йилларга мўлжалланган Янги Ўзбекистоннинг тараққиёт стратегияси тўғрисида”ти Фармонида олий таълим тизимини комплекс ривожлантириш бўйича устувор вазифалардан бири “педагог кадрларнинг касбий маҳорати сифати ва савиясини узлуксиз юксалтириш” ҳам энг муҳим вазифалардан бири сифатида эътироф этилган. Ушбу қарорда мазкур тизимда таълим сифати ва самарадорлигини кафолатлашга хизмат қилувчи асосий

омиллардан бири – малакали педагог кадрларни тайёрлаш учун, аввало педагогика олий ўқув юртларида бўлажак ўқитувчиларнинг педагогик маҳоратларини ривожлантириш масаласи ўз ечимини кутаётган энг долзарб муаммолар сирасига киритилган.

Бугунги кунда бўлажак ўқитувчиларнинг педагогик маҳоратини ривожлантириб боришга мустаҳкам замин яратилиши керак. Олий педагогик таълим муассасаларида ушбу муаммоларнинг ечимини топишда “Педагогик маҳорат” фанини чукур ўрганиш мухим аҳамият касб этади. Бугунги кунда у ёшларни ғоявий-сиёсий жиҳатдан чиниктириб табиат, жамият, ижтимоий ҳаёт, тафаккур тараққиёти қонуниятларини ўргатади, ёшларни меҳнат фаолиятига тайёрлаб, касб-хунар сирларини пухта эгаллашларида кўмаклашади ва жамият учун мухим бўлган ижтимоий-иктисодий вазиятларни ҳал этади.

Мамлакатимиз йигит-қизларини замон талаблари даражасидаги билимли шахслар этиб вояга етказиш, ҳозирги кунда ривожланиб бораётган жаҳон иқтисодиёти ва эркин меҳнат бозорининг барча талабларига жавоб берадиган, рақобатбардош мутахассисларни тайёрлаш – ўқитувчилардан жуда мукаммал педагогик маҳоратга эга бўлишни талаб қилмоқда. Шу боисдан ҳам мамлакатимиз ва ривожланган хорижий давлатларда фаолият юритаётган таникли педагог олимлар бўлажак ўқитувчиларни тайёрлашда педагогик маҳоратни шакллантириш масаласига алоҳида муаммо сифатида жиддий эътибор бермоқдалар.

Педагогик маҳорат – ҳар бир ўқитувчи ва ёшларга касб-хунар ўргатувчи мураббий учун эришиши ва мунтазам тарзда такомиллаштириб бориши зарур бўлган таълим-тарбия бериш санъатидир. Бу ўқитувчининг педагогик тизимда таълим-тарбияни замон талаблари даражасида олиб бориши, ўқувчиларнинг билими, дунёқараси, тафаккури, қобилият ва кўникмаларини ҳар томонлама камол топтиришга қаратилган касбий кўникма ва малакаларни мунтазам эгаллаб боришини тақозо этадиган яхлит тизимдир.

Педагогик маҳорат соҳиби – “Ўз ишининг моҳир устаси ёки янгилик яратувчисидир. Маҳоратли ўқитувчи – бу юқори даражадаги маданият ходими, ўз ишининг устаси, ўз фанини мукаммал эгаллаган етук тафаккур эгаси, таълим-тарбия методикасини, психологик билимларни, турли фан ва техника соҳаларида янгиликларни чукур биладиган дунёвий билимлар соҳиби, болаларни самимий севувчи, ватанпарвар, фидойи инсондир.

Бўлажак ўқитувчининг педагогик маҳоратини ривожлантириш ҳамда маҳорат чўққисини эгаллаши учун босиб ўтадиган йўли машаққатли ва узлуксиз жараёндир. К.Роджерснинг образли ифодаси билан айтганда, зеро бу “саёҳат” унинг бутун умри мобайнида давом этиб шаклланиб боради. Ўқитувчининг касбий жиҳатдан шаклланиб боришининг асосий босқичларини таърифлашга кўпгина ёндашувлар мавжуд. Хусусан, тадқиқотчи олим Е.А.Климов тавсия қилган шундай ёндашувлардан бирида мукаммал педагогик касб эгасининг ҳаёт йўлида учрайдиган қўйидаги даврларни ажратиб кўрсатади:

Оптант (ёки оптанит, оптация даври) – ёшларнинг касб танлаш босқичи.

Адепт (адепт даври) – инсон онгли равища ўзи қизиқкан касбни танлаган ҳамда уни маҳсус касбий таълим муассасаларида (касб-хунар коллежи, академик лицей, олий таълим муассасаси ва бошқалар) эгаллайди.

Адаптант (ёки адаптация, ёш мутахассиснинг танлаган касби бўйича ишга “кўнишиб” даври). Айниқса ёш ўқитувчи фаолиятида бу давр амалий педагогик фаолиятга кириш, ностандарт, кўпинча кутилмаган зиддиятли вазиятлар юзага келганда вазиятдан мустақил чиқиши учун адолатли йўл топиши билан боғлиқдир. Ўқитувчи учун бу давр 3-5

йилга чўзилади деб ҳисобланади (шуни таъкидлаш лозимки, ёш ўқитувчилар айнан шу даврда ўз касбини ташлаб кетишади).

Интернал (ёки мутахассисликка киришиб кетиш даври) – ўқитувчи асосий касбий вазифаларини мустақил тарзда ва муваффақият билан бажара оладиган, кўнишка ва малакаларга эга тажрибали педагог бўлиб етишади.

Мастер (касбий маҳоратни тўлиқ эгаллаш даври) – педагог характер хусусиятлари нуқтаи назаридан ўзининг маҳсус фазилатлари, кўнишка ва малакалари билан ажralиб туради ёки касбий фаолиятнинг турли соҳаларида осонликча йўл топиб кета оладиган универсал мутахассис бўлиб етишади, ўз табиий йўналишига, ўзига хос, тақорорланмас касбий фаолият услубига эга бўлади, доимо ижобий натижаларга эришади.

Нуфуз (нуфузга, ҳурмат-эътиборга сазовор бўлиш даври) – ўқитувчи ўз касбининг моҳир устаси сифатида, ўз соҳасида ёки ундан ташқари бирор соҳада улкан ютуқларга эришади, жамоада машхур бўлади, унда касбий фаолиятига хос исталган вазифани ҳал қила оладиган улкан педагогик тажриба тўпланган бўлади.

Устоз (ёки устозлик даври) – ўқитувчи таълим муассасасида педагогик жамоадаги касбдошлари орасидан ўз маслакдошларига, издошларига, шогирдларига эга бўлади, улар билан йиллар давомида тўплаган педагогик тажрибасини ўртоқлашади, уларнинг касбий омилкорлигини ва шахсий педагогик маҳорат мактабининг шаклланишига ёрдам беради.

Ўқитувчининг касбий маҳоратини шакллантиришда ҳамда асосий босқичларни муваффақиятли босиб ўтишида учта таркибий қисм етакчилик қиласи: олий таълимгача бўлган давр (ўрта маҳсус педагогик таълим); олий таълим (олий педагогик таълим); олий таълимдан кейинги (педагог кадрларнинг малакасини ошириш ва қайта тайёрлаш муассасаларида амалга ошириладиган қўшимча педагогик таълим) давр.

Ўқитувчилик касбини танлаган кўпчилик ёш йигит ва қизлар ўрта педагогик таълимга эга бўлмасдан педагогика олий ўқув юртларига интилишади ва касбий жиҳатдан шаклланишдаги дастлабки маълумотларни умумий ўрта таълим мактаблари ёки ўрта маҳсус касб-хунар таълими даражасида эгаллашади. Кимdir эса касб танлаш ҳакида умуман ўйламайди ва ўқитувчилик касбининг ўзига хос қийинчиликларини ўйламасдан ва бутунлай бошқача, касбга алоқаси бўлмаган мақсадларни кўзлаб педагогика олий таълим муассасаларига ўқишга интилишади. Педагогика олий таълим муассасалари биринчи курс талabalari ўртасида ўтказилган ҳар йилги сўровномалар натижаларининг таҳлили шуни кўрсатадики, талabalarning ярми педагогик фаолиятини кўзлаган ҳолда олий таълим муассасасини танлашганлигини таъкидлайди. Бироқ бугунги кунга келиб бундай талabalар сони йил сайн камайиб бормоқда.

Малакали педагогик кадрларни тайёрлаш, уларнинг педагогик маҳоратини, ижтимоий хулқ-авторини, педагогик-психологик билимларини, коммуникатив кўнишкаларини, юксак тафаккурини, интеллектуал, профессионал салоҳиятини, маънавий-ахлоқий сифатларини, сиёсий саводхонлигини, ўз касбий фаолиятига нисбатан масъулиятини янада ривожлантириш ва замон талablari даражасида бўлажак педагог кадрларни тайёрлаш тизимини такомиллаштириш учун қуйидаги тадбирларни мақсадли ташкил этиш мақсадга мувофиқдир: маънавий – ахлоқий тарбия ишларини олий педагогик таълимнинг мақсад ва вазифалари билан уйғунлаштириш. “Замонавий педагогнинг маънавий қиёфаси”ни яратиш; бўлажак ўқитувчиларнинг умумий ва касбий фаолиятига хос бўлган интеллектини, қобилиятини уйғунликда ривожлантириш технологияларини яратиш

ва амалиётга жорий этиш; ижтимоий фаолликни моддий ва маънавий мотивациялашнинг янги ва самарали усулларини ишлаб чиқиш ва кенг фойдаланиш; бўлажак ўқитувчиларнинг педагогик маҳоратини ҳамда касбий мослашишга оид қўшимча малакаларини ривожлантириш бўйича амалий чора – тадбирларни янада кучайтириш авлодини шакллантириш”.

Таъкидлаш жоизки, бўлажак ўқитувчиларнинг педагогик маҳоратини ривожлантириш муаммоси ҳозирги замонавий шароитда ўзининг долзарблигини йўқотмаган, балки янада алоҳида аҳамият касб этмоқда. Бироқ, ҳозирги кунда ушбу муаммонинг назарий ва амалий даражадаги оптимал ечимлари илмий тадқиқот ишларида тўлиқ ўз ифодасини топмаган. Бу эса бўлажак ўқитувчилар педагогик маҳоратини ривожлантириш заруриятини англаш ва ушбу мақсадга эришиш механизмларининг мутлақо йўқлиги туфайли қарама-қаршиликларни вужудга келтирмоқда. Олий педагогик таълим муассасаларида бўлажак ўқитувчилар мутахассислик фанларидан билимларни чуқур эгаллаб, касбий қўникма ва малакаларга эга бўлмокдалар. Ушбу механизм асосидаги касбий тайёргарликка эга бўлган ўқитувчи, олий педагогик таълим муассасасидан кейинги фаолиятда ҳамиша кутилган натижаларга эришмайди, бу эса ўқитувчи эгаллаган билимлар ва касбий қўникмаларни амалиётда самарали қўллашда қарама-қаршиликларга олиб келувчи бизга номаълум бўлган қонуниятлар борлигидан далолат бермоқда.

Педагогик ходимлар касбий тайёрлаш тизимини қайта ташкил қилишнинг асосий йўналишлари бутунжаҳон, миллий ва ҳудудий тенденцияларни акс эттирадиган касбий таълим ривожининг етакчи тенденциялари билан боғлиқdir. Улар жумласига қуйидагилар киради: таълимнинг узлуксизлигини таъминлаш; инсонпарварлаштириш; ижтимоийлаштириш; демократлаштириш; интеграция; интенсификация.

Таълимнинг узлуксизлиги таъминлаш. Касбий таълимга бугунги кунда, мутахассисларнинг доимий касбий ва шахсий жиҳатдан ривожланиши ва такомиллашуви, алоҳида касб доирасида ҳам, касбий фаолият соҳасини ўзгартирган шароитда ҳам меҳнатнинг сифат жиҳатидан ўзгариши шароитида улардаги имкониятларнинг кенгайишини замонавий ишлаб чиқариш талаблари тақозо қиласиган узлуксиз жараён сифатида қаралмоқда. Узлуксиз таълим моҳияти ЮНЕСКОнинг “Мавжуд бўлишга ўрганиш” номли маъruzасида таъриф берилган, унда инсоннинг янги тажрибалар учун очиладиган ҳолати тушунилади. Бироқ мазкур қоида талқини узлуксиз таълимни фақат вақти-вақти билан амалга ошириладиган таълим ёки муайян вақт оралиғида малака ошириш деб қарашга интилиш оқибатида анча торайган. Узлуксиз таълимдан мақсад шундаки, асосий касбий таълим шароитида шахс мустақил тарзда, ўзини маълумотли қилишга ва мукаммаллаштиришга, ижтимоий ва педагогик муаммоларнинг мураккаб доирасида эркин йўл топа билишга, ўзгарган шароитга муваффақиятли тарзда мослаша олишга ва ўзига зарур бўлган билим ва қўникмаларни эгаллашга имкон берадиган билим, қўникма ва малакалар тизимини шакллантира билсин. Мазкур тенденция кўп босқичли педагогик тайёргарлик тизимини, унинг барча (ўрта маҳсус, олий, дипломдан кейинги таълим) босқичларида педагогик таълим мазмунининг ўзаро алоқа ва узвийлигини таъминлайдиган ва мутахассисликка эга бўлаётган шахснинг узлуксиз ривожланиши, ижтимоийлашуви ва профессионаллашувига йўналтирилган таълим дастурларининг яратилишида ўз аксини топади. Касбий таълимнинг узлуксизлиги ва таълим

дастурларининг узвийлиги ўрта, ўрта маҳсус ва олий касбий таълим давлат стандартларининг жорий қилиниши билан таъминланади.

REFERENCES

1. Ўзбекистон Республикаси Президентининг 2017 йил 7-февралдаги ”Ўзбекистон Республикасини янада ривожлантириш бўйича Ҳаракатлар стратегияси тўғрисида”ти ПФ-4947-сон Фармони.
2. Мардонов Ш.Қ. Педагог кадрларни таълимий қадриятлар асосида тайёрлаш ва малакасини оширишнинг педагогик асослари. // Пед. фан. докт.... дисс. – Тошкент. – 2006. 302 б.
3. Клинов Е.А. Психология профессионального самоопределения. - Ростов н/Дону, 1996. - С. 419-423.
4. ЮНЕСКО халқаро меъёрий ҳужжатлари. //Ўзбекча нашрининг масъул мухаррири Л.Сайдова. – Т.; “Адолат”, 2004, – Б. 19-62.